

947

C O D I C E S

948

Poetafter ordinem Eremitarum *Augustinianor.* egressus videtur.

*M. duo C. sep. et oc. ruffi ruit ottakarus rex. (1278. 27. Aug.)
Albani (21. Jun.) simul M. tria C. cum quinque (1305) secundus
(Wenceslaus IV.)*

*Te preit Oswalde (4. Aug.) post annum (1306) mors iunioris.
(Wenceslai V.)*

*Primus obit bello, moritur gustando secundus,
Deferit et mundus iuuenem penetrante cultello.*

Litera fugiente additum: *in olom.*
Nam *Olomucii* confossus fuit *Wen-*
ceslaus V.

CCLXIII. VII. B. 1

78 Codex membraneus lat. Sec. X. aut XI. Folior. 305. f. per duas columnas nitide exaratus, Librorum titulis litera quadrata rubro, nigroque eleganter alternis, et initialibus ex aevi gustu depictis continet *Gregorii M. P. Rom. Moralia* five *Expositionem in Librum Job*, et quidem a *Libro XVII.* usque ad *finem.* Fol. 1. p. 1. praecedit *Fragmentum Libri Exodi* a C. XV. v. 27. usque ad C. XVI. v. 11. ex Interprete vulgato. P. vero 2. legitur: *In Nomine. Dei Summi. Incipiunt. Moralia. Gregorii. In Expositionem. Beati. Job. Per Contemplationem. Sumpta Pars. Quarta. Libri. XVII^m.* Initium: *Quotiens in Sancti Viri historia per nouum uolumen enodare mysterium typicae expositionis adgredimur &c.* Fol. 173. repetitur adducta inscriptio, sed sic definit: *Pars. Sexta. Libri. XXVIII.* Libro praecedenti subnotatum reperio eadem manu: *contuli ut potui.*

Et nos Codicem cum *Edit. Parisina* PP. Maurianorum 1705. T. I. f. contulimus, integrumque deprehendimus, et dignum, ad quem ob lectionis varietatem olim recurratur. *Jobi* Sententiae miniato plerumque caractere distinguuntur. Eodem ad calcem legitur: *Explicit Explanatio in Job Fauente Domino Deo Nostro Ihesu Christo Libri. XXXV.* Et paulo infra: *Iste liber est Iohannis Engelberti de Saxonia quem cum ceteris libris comparauit A Superstite maiore ecclesie Basiliens. Anno Domini M. CCC. LXXIX.* An is *Iohannes de Saxonia*, quem *Trithemius* c. 609. circa an. M. CCC. XL. claruisse ait, incertum. De *Majoribus* five *Advocatis Ecclesiarum Cathedralium* vide *Ducan- gii Gloss. med. et inf. Latinit.*

CCLXIV. VI. C. 15.

Codex membraneus lat. Sec. ^{14f} saltem XIII. Folior. nunc 86. f. eleganti manu exaratus, minioque distinctus, sed principio et fine multatus exhibet *Gregorii dicti Magni P. R. Scriptoris* Sec. VI. *Moralia in Job*, et quidem

nunc ab his Libri XI. c. 17. verbis: *quid aliud quam profunda de tenebris reuelantur*, quae in edit. *Mauriana Paris. 1705. T. I. col. 376.* extant, usque ad verba Libri XVI. c. 42. *Ille enim in flagello positus a salute corporis* — edit. *cit. col. 520.* Initia Librorum caractere grandi conspicua sunt; scriptura tamen versus finem aliquantum variat. Lectio plerumque cum editis conspirat; nihilominus est, ubi discrepet. Ita initio L. XIII. edita: *dum hereticos vel quoslibet reprobos, quos corrigere non valet, tolerat &c. noster: cum hereticorum uel quorumlibet reproborum peruersitatem corrigere non ualens tolerat &c.* L. XIV. sub finem edita: *veram certitudinem praesumpsit, noster vera certitudine.* Editi: *hoc timendum sciret, noster, timendo sciret; melius puto, si cum sequentibus conferatur.*

CCLXV. VIII. 2. 6.

²⁶⁷ Codex chartaceus lat. Sec. XV. Folior. 116. f. currente calamo per duas columnas exaratus et olim *Fratri* cujusdam *Marckwardi* continet *Gregorii M. Homilias XL. in Evangelia*, quae extant edit. *Maur. T. I. Paris. 1705. p. 1434.* in quas sequentia observo. Praeit Epistola, *Reverendissimo et sanctissimo fratri Secundino* (Tauromenitano Sicil.) *Coepiscopo Gregorius seruus seruorum dei. Inter sacra missarum solempnia &c.* ut in edit. Accedit sequens Nota: *Beatus*

Gregorius staciones per basilicas uel beatorum martyrum cymiteria per que haecenus plebs romana quasi eo viuento certatim discurret, sollicitus ordinauit, per quas et ipse similiter discurrens, dum adhuc loqui ualeret, XX omelias ewangelij coram ecclesia diuerso tempore declamauit, reliquas uero eiusdem numeri dictauit quidem sed laceffcente stomacho langwore continuo, alijs pronuncianda commisit. Sequitur *Homilia*, cujus Auctorem non facile nominarim. Initium ejus est: *Omnis sancti Ewangelii fratres karissimi textus usque ad iota unum uel unum apicem mistico est inuolutus enigmatē &c.* *Gregorii* non esse, uel *Nota* praecedens evincit, quae *Homilias* numerat, ut in editis, *quadragesima prima* fit. Versatur ea in exponendo *Ewangelio Luc. XIX.* *Homo quidam nobilis abiit &c.* et ut alia desint argumenta, vel stilius ipse *Gregorio* recentiore *Ομιλιων* arguit. Ita paullo post principium: *spiritus sancti iuamine fretus sagenulam mei spiritus australibus nullo modo committere pertimesco spiraculis &c.* Finis: *largiente domino succincte decursimus.* Ab hac *Homilia Gregoriana* usque ad finem decurrunt, eo solum ab impressis discrimine, quod, et quidem rectius, *Decima octava Decimam nonam* et *Vicesima secunda Vicesimam quintam* sequatur; Finis uero *Undecimae* cum *Duodecimae* initio e *Cod.* deperditus fit. *Lectio*nis uarietas non deest. Ita

Hom.